

1音4
1009
16-8



五


拜石山房詞

門4曾4
號 1009
卷 16-8

光緒己丑三月
榆園開雕

重刻拜石山房詞敘

兼塘先生吾友許君邁孫少從受詩學者也先生偃蹇乙科沈淪下僚卒以簡書中吏議蕉萃于晚歲懂而得歸竟死于寇有識哀之先生蚤飲香名詩篇深美而閎約五言善者妙絕時人雖登選樓亦忸色刻意填詞思旨高迴聲哀厲而彌長又未嘗不折衷柔厚使人識安雅之君子與楊伯夔唱和而清轉華妙反復勝邪先生詞卷近無錫有重刻本皖浙之士求而未過讀者衆老成逝矣遺書如綫邁孫篤念師資手自讐校覆刻于榆園少陵云今茲弟子亦匪盛顏流離頓挫夫有所受觀舞劒器吾且爲邁孫賦之光緒戊子冬仁和譚獻



敘

詞盛於宋代自姜張以格勝蘇辛以氣勝秦柳以情勝而其派乃分然幽深窅眇語巧則纖跌宕縱橫語拙則淺異曲同工要在各造其極而已辛已歲汪丈白也見示七家詞選獲讀兼塘先生所爲綠秋艸堂詞穆羽均調奇弄迸發深幸竹垞迎陵而後克有嗣音乃駒光勿星紀一周良覲未申瑤想時結客冬省視來皖始通警欵見其造襄夔遠著語幽微粲魂自清鶴影能瘦半面之接得慰乎軻飢一夕之譚若醉乎醕耐坐次出拜石山房詞彙索敘于予以蟹穿空腹螢燭微明蘭言渺通藻辭奚飾然而芳艸被阪人知其香鳴禽在天眾聞其響流連今昔烏能無言夫意以曲而善託調以杳而彌深始讀之則萬萼春深百色妖露積雪縞地餘霞綺

天一境也再讀之則煙濤瀕洞霜飈飛搖駿馬下坡泳鱗出
水又一境也卒讀之而皎皎明月僊僊白雲鴻雁高翔隊葉
如雨不知其何以冲然而澹翛然而遠也至其興遑無際思
來不窮夜雨紅樓秋風白紵鬢絲禪榻之傷淒迷詩夢歌扇
舞衫之地振觸酒懷春影鏡中淚痕衫上一聲一咽亦怨亦
愁卽其變徵之音多益覺么弦之和寡又況古情橫集遠緒
孤牽東泝曲江西經隴水南浮吳楚北陟幽燕懷鉛握槩采
九土之異言接席撫塵交四方之奇士敲殘銅斗擊碎唾壺
何止賦景蒼茫體物瀏亮爲足拓眼底之屏山酌心頭之井
水平冷趣相洽清詞載接洗其淫哇濯以藻麗旣昭藐而蕩
氣亦芬芳而悅魂凡姜張清雋蘇辛豪宕秦柳妍麗固已提
袂而合唱無俟改弦而更張已僕與先生忝附忘年之交側

聞聲音之道畫苔選譜擲遂吹秋顧曲粵閒賞心弦外與之
味東澤之綺語參石門之香禪雖略解蟲雕頗知狸別當不
以牛鐸之音詫非同調也道光甲午春仲上元蔡宗茂謹敘

年綠萼開時常侍清游

蘇幕遮

借蘭厓竹畦游澣谿行荷香柳影中數里不絕竹畦
取摩詰田家詩意作圖余與蘭厓各賦一闕題其上
上栽桑低種芋擬向谿頭跨箇烏犍去纔聽一聲鳩嬾語煙
翠濛濛又下如毛雨竹扉斜茅屋古楊柳陰疏更有荷萼
補水調風吹歌正苦隔巷何人打起青罽鼓

西江月

已過清明挑菜早先穀雨烹茶小桃萼下那人家會認分錢
白打遺卻翠鈿何處畫檐低墮松釵暝風晴日可來邪剛
折秋千一架

湘春夜月

錦樹林訪卞玉京墓

澹斜陽山棱翠未全荒堪念櫻拂葵衫瀟灑道家妝便取玉
京私諡柰松風樓閣仙夢茫茫看煙橫墓石舊時題字瘦不
成行鉛華都浣盡問梅邨老去誰擅詞場瘞後名雋總難
銷馬鞦春塢一片幽香棠梨暮雨知柔柔恁處淒涼還應勝
西冷坏土只游塵飛遠不近繡塘

點絳脣

步上苔茵湘幫百褶羅羅水無人結佩自拾蘭皋翠 曲折
闌干倚後新紅退心如醉熏人萼氣萼也扶頭睡

浣谿紗

往事思量總惘然緣何愁緒上眉端五更殘夢最難圓 淺
色羅衣如紙薄只禁輕暝不禁寒憐他微雨倚闌干

木蘭琴慢

題金粟道人小象

誰招金粟影摹繭紙展雅又羨快意生平異書奇士更有名
琴占取玉峰高處有蒼蘿窈窕白雲遮幽沼曾名春艸小亭
別署秋華 堪嗟鞦韆馬洛陽街結客滿天涯恁斜日園林隔
江烽火愁聽哀笳未辦一邱埋骨是青山到處便爲家我亦
櫻鞵桐帽只應投老煙霞

南鄉子

秦淮水榭書所見

琴外聽鳴鳩好座秦淮小畫樓樓上夕陽樓下水回頭人約
疏簾正上鉤 落葉滿銅溝縱有脂香也不流應爲玉關霜
訊早空候帶有風沙出塞愁

高陽臺

題袁蘭邨少府南園春夢圖

穉柳飄煙香莎溼雨玉絲低窳簾紋賸粉零星東風不返桃
魂前塵惆悵原如夢怪當年夢也如塵認闌干色退輕朱尙
帶愁痕 桐廊記得彎環路恁者番重到兀自傷神眉語句
畱能銷幾箇黃昏綠窗縱守羅衾待怕秦篝冷了餘熏正細
枝一點么紅吹過斜門

清平樂

翠陰如埽衰柳長干道扣上綠窗金了鳥總有閒愁飛到
夫容照影荒渠鏡中蕉萃如余空自朱樓臨水頻年不見雙
魚

滿庭芳

題汪紫珊太守碧梧山館填詞圖

簾額棲雲窗眉畫暝碧梧未老疏煙新蟬乍蛻嘶斷已涼天
吹過一番小雨桐葉影罨上琴絃移竹榻片時支枕隨夢到
秋邊 俗塵都洗卻惜惜綠暈飛補苔錢看飄來幾葉好替
蠻牋怪底都霑吟翠溟濛處為有詞仙閒凝竚西南樓角瞥
見月初弦

虞美人

書寄伯夔

短屏只畫瀟湘雨屏底涼如許陰陰芳樹綠窺門便是不看
秋艸也銷魂 未灰心事沈香火獨傷香篝坐秣陵天遠夢
都無聊寄一行病柳帶蟲書

憶秦娥

琴陰淺青琴三尺橫羅薦橫羅薦冰絲未上玉塵一面 眼
波冷被霜風翦簾前望斷秋無雁秋無雁擣衣聲裏月華如
練

慶清朝

題葉小鸞疏香閣眉子研拓本

翠帔風吹銖衣月冷碧城人去迢迢小研微凹幾絲猶澆松
膠句取煙魂一片向綠窗展玩似寒蕉銀鉤字芳名宛在茗
玉曾瑀 為念嬋娟多病料生來慧業卽是愁苗暫謫塵寰
寫同寫韻文簫只恐秋蛾蹙損黛螺分影舊痕銷傷情處櫻
桃雫落疏雨瀟瀟研刻開函一研櫻桃雨
潤到清琴第幾絃之句

鵲踏枝

簾額春陰生曉翠一寸銀鉤搖漾如空水春色可憐無可柰

手不山房詩金卷一
四
桃萼濃笑楊萼淚 細拾殘香塗粉壘學絮春愁燕子何曾
睡鏡面塵昏如鏡背鏡中人影添蕉萃

沁園春

晚虹同蘭厓賦

極目高空暝色蒼然長虹下垂怪蔚藍天上忽連複道琉璃
雲畔偶倚斜梯雁背風輕鳩邊雨斷卻映遙山翠桁低關心
處怕春晴畫苑乾到粵泥 才人賦後雌霓想縱有知音見
面稀只纖纖如此畧圍易減慊慊似我渴病難醫一氣香煙
同心采縷便化秋鸞不隻飛蓬瀛淺只煩伊橫跨不誤幽期
思佳客

秋日齋居卽事

山閣秋晴葉擁階竹風容易做秋懷荒雲一研分泉洗闢做

元和折腳釵 安茶曰庾詩牌葵萼香刈作清齋車塵埽斷
門前迹只許幽人印艸鞵

菩薩蠻

曲院煙光明一片銅溝幾折流清淺涼透薄羅重芭蕉葉葉
風 分來紅影皺細畫銀鈎瘦紈扇不禁秋書成墨亦愁

高陽臺

將游武林畱別楊大春樵

蕭索空囊淒涼短劍東風吹上吳舫小飲離筵春潮綠到津
亭故人攜手河梁別說歸期軟語丁寧指家山一笠浮空翠
樹冥冥 而今圓合煙湖夢便蘭成身世不怨飄零怕到鱸
鄉迷離卻又愁醒錢唐好去尋蘇小覆銀沙柳線搓青聽船
孃欵乃煙歌唱入西泠

夜行船

吹過新煙夢漸退
砑羅裙記拖春水
寂寂屏空
愔愔琴瘦
閒了脂箱粉碓
燕子梁閒
同夢睡阻
輕寒一層紗外
翠被篝香
銀缸分火借與薄烘清淚

望湘人

途中寄羽素女兄暨蘭厓竹畦兩弟

望蒼茫暝色淒黯
暮陰旅愁飛滿天際
短檠搖煙
敲帆翦雨
獨自柁樓斜倚
荷葉跳珠
蒲梢戛玉
一星星淚便荒
干芳艸如塵
何似謝池夢裏
除是自家兄弟
料逢迎到處也無情
味作客天涯
況有誰為知己
廨屋苔荒
湖田石瘦
何日方成
歸計願釣取小鯉
銜書遠溯
浙江潮尾

思佳客

湖樓晚眺

不上高樓望眼遮
凭闌今日接天涯
新秋雲似羅衣薄
遠水帆如紙筆斜
魚任買酒堪賒
湖邊三兩是漁家
鷺鷥只戀枯荷葉
不傍前汀紅蓼萼

高陽臺

為嚴脩能上舍題西泠載月圖

水碧分雲煙青畫樹嫩
晴初上犀鉤盼到星期涼
萼開了牽牛一匳
湖水圓如鏡說
夙央近也言愁上
睂尖翠冷吳山澹
更宜秋西泠橋外
歌船去羨有人波
路載月同游笑折荷
衣幽題象筆會按空齋
莫戀藤蘿雨恐斜枝墜
向簪頭君姬香
脩有簪萼圖題者甚眾
湖蘋汀好趁烏篷
莫負紅樓

虞美人

新秋漫賦

曲廊敲几平鋪簟一水圍三面可憐閒煞好房櫳卻值荷萼
多病近西風簷前又上弓弓月晚傷闌干立死央生小忒
聰明看他水晶眠夢幾時醒

齊天樂

爲華秋槎司馬題北山旅舍圖

寓公門逕幽閒極相鄰段家橋畔屋向猿租樓分鶴住合署
秋聲山館夕陽紅斷看塔影橫斜倚來天半鬣腳初黃打頭
落葉一巾岸生涯莫悵飄轉有明湖煙月付與句管瘦竹
千竿團焦一笠嵐翠檐閒吹滿蕭疏鬢短勝行旅長途征塵
未浣水石涼邊畫圖先我占

聲聲慢

余與蘭邨往來白下忽忽一載今夏晤於西湖泊舟
荷萼中譚讌竟日視夕陽著山額始各分權惟念倉
山伴侶如良甫伯夔皆不在座爲可惜也

葛嶺浮青蘇隄浸碧水鄉小占溫家門外員流柁痕界斷銀
沙人眠孤山涼雨憶吟朋蒼鬢天涯湖邊路老魚鏡底吹聚
蘋萼好浣征衫塵土算眉稜笑展不負年華苦咽冰醪荷
筒香冷重賒銷得雙鬟低拜旗亭句應勝籠紗催客去恁
恩歸權日斜

百字令

爲郭頻伽題春山蘿玉圖

西泠橋畔記銀蠶曉送左家嬌妹腸斷荒山蘿玉地碧影淺
分蛾黛籬竹痕班小桃骨瘦流斷涓涓水春墳依舊藤蕪吹

上幽翠 是誰生色圖成冥冥煙雨著意添蕉萃香冷冬青
寒食飯沒箇傷心人拜一片殘碑幾行題字扶起斜陽外
鵲何恨爲渠染徧紅淚

一萼紅

游理安夜宿山寺讀良甫伯夔壁閒題句松墨蕭散
自成馨逸渺渺天末賦此奉寄并書示寒石上人

擁層巒有蕭蕭叢竹塵外隱茅庵山氣陰晴煙光朝暮都非
色相能參且縛取松毛作帚寫新詩石壁埽秋嵐破研鈔經
短衣拜佛願借禪龕 偏我遲停吟屐悵天涯孤寄閒訪瞿
曇雲縱無心雪還畱爪故人都在江南聽一夜僧樓涼雨怕
朝來白髮盈簪敲枕未成幽夢鼓已統統

甘州

倩家設庵畫辟疆古園圖詞以寄意

悵九龍回首翠模黏門巷隔煙蕪賸荒涼一片亭空無鶴沼
廢無魚牽蘿補屋未忍別移居燈火天涯夢渺渺愁予 當
日尋詩聽社有縑網皮閣粵竹分區問叢殘几上畱得幾堆
書寫數筆湖山秋意便蕭疏何必倩倪迂家風在故園喬木
好上橫圖

望江南

游餘杭作

餘杭道坐得筍輿過確紙聲忙流水急縑絲風緊落粵多相
望隔煙蘿
微雨歇山氣冷如秋雙箭幽蘭邨女戴一旗新茗估人收門
巷總清幽

弄石山房詩鈔卷一
八
分明畫一幅
輞川圖亂石疊牆低
見屋飛泉接
窻暗通廚曲
磴瘦筇扶

行曲折轉過板橋西
寂歷枯釵松鼠下
迷濛碧影竹雞鳴
溼翠染人衣

鵲踏枝

題席芍階麗姬小影

偏到粵朝粵事改
小苑春陰黯澹如
秋黛錦瑟塵空金雁壞
有人自製名粵詠
脂盞眉圖如有待
宰地簾紋暈上生生
翠斜日闌干應閣淚
桃魂縱去心香在

湘月

題伯夔與漚爲客圖

浮家計好載筆牀
茶竈小艇如葉煙水
茫茫誰是主差勝天

涯作客細艣搖雲圓
蓬畫雨蘆暝飛秋雪
閒漚兩兩相逢何必
相識今我久已忘機
水天閒話歸去尋簑
笠船尾西風潮欲上
吟瘦一枝黃蘗紫蟹
爬沙白魚吹浪網倩
妻孥織隨他浩蕩江
頭豈有離別

浣谿紗

小閣春寒近更添
東風輕拍澹紅簾
海棠絲外雨廉纖
鎮自無言常脈脈
未曾有病卻慊慊
綠塵飛上水精奩

壺中天

謁蔡中郎祠

叢祠江上認一行
飛白題伊爵氏尺土
階前甘下拜手薦谿
頭芳芷書付公孫名
遺元歎貌類張平子
漢廷卿相憐才畢
竟誰是依然千里
青青門前艸色知
己悲長逝萬卷丹黃

教弱女小謫淒涼身世爨下焦桐亭中椽竹都入傷心史思
公有淚溼衣多似鉛水

平韵滿江紅

謁曹娥廟

落日停橈正一片寒潮欲來尋黃絹夕陽門外三尺殘碑班
竹江心紅淚冷幽蘭階下綠霜摧儼明璫翠羽展珠龕低黛
眉 醜椒醕洗銀鬢看畫壁拂麀煤想水精眠夢幽人未歸
怨曲乍聞蠻柱急靈風先展繡旂開又迴帆撾鼓噪神雅將
暝催

喝火令

乳燕偎香臥嬌鶯坐柳慵一春人在藥煙中小病沈沈殘夢
又恩恩 螺子眉痕減蟬紗鬢影鬆玉壺香唾可憐紅憶汝

闌干倚徧碧玲瓏憶汝春衫瘦骨寒近落鸞風

滿庭芳

竹鑪山房題壁

松雨纔過桐棉尚溼禪扉當晝愔愔迴廊磬折柱礎石苔侵
彷彿山人圖卷秋堂掩分外幽深還疑是夢中曾到屐齒又
重尋 僧寮岑寂處看青如菴畫綠愛眠琴況九龍排闥嵐
氣微陰怪有煙痕飛白脩篁裏驚起鳴禽須聽取泉浮蟹眼
瓦銚煮秋聲

酌江月

夫容湖舟中

波平岸迴看秋漪皺玉鱗鱗吹起好向水香多處住柔艣一
枝搖曳柳拂斜絲蘋浮嫩葉綠窅吳船尾輕帆分暝疑從鏡

裏飛遞 晚風吹上涼潮三篙新漲小雨生沙背惹起閒漚
明似玉點破半湖煙水一角疏林幾圍矮屋指點魚鰕市笊
簪挂處夕陽尙映芳沚

解連環

憶舊游寄伯夔

涼琴露帶早一匳秋意西風驚碎記舊時同訪迴塘正演瀆
菱絲綠牽沙尾短篷烏篷曾吟破滿湖空翠賸似曾識我拍
拍輕漚遠渚飛至 漁邨有許風味那浮家舊券莫便輕棄
問幾時重返江鄉載詩卷漁筒扁舟煙水彈指湖山能銷得
幾番吟醉且須看荒干柳色者般瘦矣

一萼紅

題友人林屋吹笙圖

對清尊說故園林岫到處隔風塵橘柚團香松篁寫翠曾攜
絕世幽人不怕天寒裏薄炙銀簧正好傷朱脣小凭檀肩微
聞蘭氣一响溫存 七十二峯遙望似髻鬟低亞眉黛初皺
蒼鶴書遲青鸞鏡掩可憐窈窕層雲昔日高煙石屋題字在
招否舊吟魂只恐瀟瀟也愁易近黃昏

南樓令

湖上探梅

橋接路三叉蒼寒水洗沙疏翠墨點棲雅微雪忽明松外
閣吹幾片玉梅粲 纖手整金釵看簪綠萼華而今身寄梵
王家折向幽龕先供佛銅盃插一枝斜

思佳客

春日出游

雨過郊原綠漸蘇不辭蠟屐破平蕪人家處處炊煙起浮出
春山翠一觚 乾鵲噪乳鳩呼如聞好鳥喚提壺青帘挂在
垂楊裏不識邨中有酒無

前調

艸軟沙平未覺遙滿谿春漲不通潮差差水似羅裙褶莫試
吳孃快剪刀 編竹柵架藤橋籬門三面碧周遭一堆細浪
吹飭婢正值牆頭墮餅桃

木蘭鸞慢

碧社湖阻風有懷楊二子山

水天思舊侶移短櫂泊煙汀聊寄贈蘋蓂明漪照影冷到秋
心賸有幾枝垂柳傍離亭猶解結淒陰只合孤篷獨宿有誰
並舸聯吟 鄉音倦客怕遙聽又值酒初醒記夫容湖上漚

沙似雪蟹火如星倚柁自吹橫遠看蕭蕭落葉下吳陵何日
雞頭菱角尊前一笑相迎

前調

湖光銷黯漁火未涼復拈是解寄同里諸子

扁舟乘一葉潮欲上水平湖正天氣初霜蒹葭搖落沙雁相
呼除是同盟漚鷺便相逢誰念客情孤卻望家山船尾夜痕
似有疑無 田廬少日感離居殘葉滿荒渠約幾時結屋長
竿放扁短艇叉魚鐙火篷窗暝寫愛古人笠澤有叢書何處
漁謳相答鄉園隱隱愁予

憶舊游

過蘆區

趁潮荒淺瀨雪換涼漪來賃江船自挂孤帆去聽浪粲堆裏

打槩聲圓一路叢蘆蕭瑟秋夢渺無邊有幾縷魚雲幾絲漚
雨閣住遙天 飄零舊詞賦悵帶醉閒吟孤負華年莫話淒
涼意似病蟬無力猶唱離筵贏得鬢邊衰綠歸染六橋煙只
同我銷魂後湖官柳疏可憐

虞美人

深秋閨意

淒淒涼月如煙白午夜樓陰直遠山如黛拂殘螺玉雁天高
簾角近秋河 鵲鑪火冷灰盈寸自抱頗黎枕下階蘭葉謝
枯香今夜新寒羅袂有微霜

買陂塘

咏牽牛粵

近斜河一窠分種疏粵澹處堪愛過牆竹尾誰家院扶上絲

絲秋翠添嫵媚看風露涓涓疑泣星妃淚涼宵破睡問翡翠
樓高蔚藍天遠幽夢幾時墜 香痕瘦不似芳蘭可佩憐渠
秀蔓都脆綠珠碧玉宜相伴更許青蘿爲妹佳耦在聽絡緯
蕭蕭上有蟲孃配籬根任采和瓜蒂輕黃豆粵微紫浸取洗
頭水 俗以七夕采百粵浸
水名爲織女洗頭

喝火令

秋夜聞雁

小坐拋紈扇疏簾上玉鉤碧天雲影夜悠悠試問銀河何事
不東流 少睡偏多夢無聊便有愁一繩新雁正橫秋記得
艣枝搖過白蘋洲記得十三竿柱人在小紅樓

壺中天

過鶯脰湖

曉雲橫浦寫江天數筆都成秋意渺渺空波浮去櫂十里明
漪吹起淺水生蒲疏煙畫柳小艇秋陰裏涼潮一尺柁痕拖
過沙尾 何時去學天隨蓴鱸鰕菜料理閒生計青紵門前
飄酒字好典綠蓑重貫水鶴孤眠雪漚獨立款我扁舟棧
開玉鏡吳山大好煙髻

買陂塘

伯夔邀食鮮荔支同蘭厓賦

問何來閩南珍品今朝得伴尊俎瘴雲蠻雨三千里幾日邊
城飛度晶盤貯看圓比鮫胎應與珠同母楓亭遺譜真膜似
綃輕膚疑玉潤香氣勝薝蔔 休頻道此是側生嘉樹深閨
恐有人妒榴房酸子知多少無限緋衣醋醋時伯夔謀置側
室故戲語及之
風味足叶便齒病添些為爾拚淒楚海山風露想蠻女銀釵

煙林摘取翠籠盛無數

滿庭芳

題清微道人空山聽雨圖

細雨如絲輕陰如夢瀟瀟聲下銅溝涼侵竹徑餘潤逼香禱
已是梅萼再世餐冰雪占得清幽還重向團蒲禮佛更乞一
生修 人間當此夕聽芭蕉窗外欲睡還休只情根難懺入
耳都愁誰似空山岑寂伴閒雲暝色高樓銀鉤小書成貝葉
圓暈落鐙篝

鵲踏枝

題握蘭小影

扣扣羅襦情早定香夢纔溫只是愁他醒嗁鳩催歸先有信
落粵風裏箏弦緊 張泌妝樓重記省三尺簾波移卻青鸞

鏡只有煙痕吹不盡絲絲綠似吳孃鬢

渡江雲

邗江舟次

一尊京口酒詞人終古蕭瑟例江關此行真萬里西上黃河
何日唱刀鐶蕪城有賦多情甚莫倚危闌重回首夕陽樓角
無限好睂山難刪多少纏綿有病葉娟萼舊時庭院人乍
去剛逢春社燕子飛還帶圍自減衣棧厚沅征塵酒暈香癡
增惆悵十年如此青衫

浣谿紗

題友人邗江送別圖

咽斷銀簫倍黯然二分明月幾時圓睂樓昨夜有嗁鶻芳
艸如煙迷別浦柳絲似夢澹斜川春風回首渡江船

憶舊游

寒食日道出桃源風雨淒其荒原蕭索洵斷魂時節
也隄上偶見桃枝皆著蓓蕾如紅豆因念故園風景
牆角小桃應已爛漫矣眷懷舊游忽忽成夢為賦此
解

正涼鐙破曉瘦鐸吟風乍展山程一片荒沙白柰過江芳艸
只長愁根待續天涯殘夢野鳥喚行人怕折取鞭絲幾株官
柳栖上征塵關心好時節把杏酪香餠孤負良辰粲乳如
紅豆判桃鬢嬌小淒斷春魂誰令寒城景物吹暎入煙痕且
問訊江南故園貯得春幾分

壺中天

題潘朗齋師填詞圖

春風象管笑區區摹仿蘇豪柳賦一寸袖中蘭畹稟刻畫銀
鉤蠶尾橋本吹簫步名邀遂總是栽琴地海苔賤小拂時都
帶香氣 堪念騎省清才江南水閣領略閒風味減字偷聲
重按拍詞律研來較細竹翠按涼梅茵坐暝只倩紅紅記天
然秀句風流付與仙吏

風入松

龍城官署卽事

簾鉤敲響玉丁冬惆悵舊房櫳一牀班管閒無用畫湘山十
二屏風淚點纔滋竹色愁根又長蘭叢 雪衣應悔語言工
終日掩雕籠傷心不及鳩呼婦在樓西綠樹陰中檢得飛琴
一片倚闌細咽殘紅

浣谿紗

茶煙

掃得秋聲葉擁爐煙絲又裊晚晴初窗紋簾影半模黏 攪
入不嫌琴氣冷扶來卻愛竹風疏夕陽樓閣畫難摹

聲聲慢

雨夜

殘沙瘞翠折篠枯聲暮雲一片遙遮冷雨如潮陰陰不隔窗
紗添成十分清苦稱今年此夕天涯上簾衣碎白淒迷落盡
蘿琴 忽訝河流吹到聽波濤喧枕淺欲平階佛閣無鐘麗
譙鼓已三搥蕭邑相傳鐘鳴則黃河水溢故無鐘聲短燭為誰飄淚照征人夢
裏還家聽未得聽瀟瀟先愁鬢華

拜石山房詞鈔卷一

拜石山房詞鈔卷二

無錫顧翰兼塘著

仁和許增邁孫棻

賀新涼

停車浦上信步入野寺中見壁間畫竹題我有小亭

深竹裏不如歸去聽秋聲之句

袞袞紅塵起卸征輦夕陽古道天涯行李野綠入門修竹合
隙少一袈裟地換滿壁翛翛涼意若果山僧秋許乞貯秋聲
一片行囊底看畫幘比香偈悠悠人海身如寄問他年閒
園半繭何時料理聽雨聽風聽未足更聽濤聲萬里便歸去
征衫重洗蘿屋三閒亭四角好溪溪築向蒼煙裏人世事付
凭几

聲聲慢

真州夜泊

小橋斜日斷浦西風柳絲只縮愁陰翠影浮眉山尖石塔煙
橫好把短蓑兌酒樣孤篷莫趁郵程夕陽路人家隔澗收起
魚簪 莫恨寒漪千里且輕裝歸去不負初盟漚夢近來圓
未瘦遂吹醒似有濛濛雪意漾銀沙一片空明蘆絮外正江
船涼白上鐙

鵲踏枝

船泊邵伯湖有懷秦朗山

憶昔津門同伴去襪被舟中一見心相許衰柳枯荷圍斷墅
催詩只聽迴帆鼓 為訪江頭曾泊處水驛叢祠依舊藏雅
樹少箇篷窗人共語翦鐙自聽瀟瀟雨

臨江仙

潤州舟次

黯澹江雲天欲暝海門催上新潮佛狸城外買輕舸便無風
起已涌浪粼高 今夜壚頭拚爛醉薄寒可典青袍酒樓紅
影一鐙搖打篷落葉又誤雨瀟瀟

國香慢

題吳餘山小梅華庵圖冊

鶴老江城聽蕭蕭煙話似帶潮音餘山久客揚州書巢結來如斗綠
上蘿陰自做六時清課有新詩樹底閒吟粲圍佛廬小只恐
微熏破了禪心 落枝多綴玉論蕭疏鬢短總不宜簪寒雲
滿眼故園芳訊銷沈空戀二分明月惹殘香染徧羅襟荒庵
堪再葺一櫂蘋汀好遂幽尋

聲聲慢

秋雨庵夜坐

窗縈蛛網壁篆蝸涎苔痕印上迴闌爲借琉璃佛火獨坐更
殘堪憐抱煙倦鶴向西風似我衣單簾影外綠堆松髻疑繞
家山 欲問天涯消息奈愁吟酸楚身寄江干小雨流雲空
榻半住新寒吹下井梧敗葉掩閒門如聽驚湍秋竹杪浸冰
魂涼月一丸

風入松

清綺詩堂題壁

綺琴三尺玉絲長十載奏清商離人心似當風葉怕蕭蕭易
近秋涼衣補一方慘綠簪抽幾點吳霜 家書函後墨斜行
色淺蠟分黃短屏圍處深深坐愛圖中活脫江鄉擬戴圓煙

笠子酒船櫂入楓香

水龍吟

鄭湛若天風吹夜泉研

是誰繭足幽荒一圭製出新蕉尾麋丸欲試當時瘴墨幾絲
猶膩天籟如暗秋泉暗蓄玉沙難洗想翩翩英妙美人帳下
編赤雅分行記 定其奇香十賚伴瑤琴同來福地詩成脫
手弓衣繡徧撞鸞隊裏曾侍牙旒李波小妹石能言未料沈
湘去後一雙鴿鵲淚如鉛水

臺城路

題陳松泉煙雨歸耕圖

道場山色橫圖裏天涯不如歸好杏蓓邨頭桑稊陌上簫鼓
社公迎到催耕噓了正雨後泥鬆一犁春曉茅屋炊煙早先

初日上林杪 何須買田陽羨有百弓
下溟始種杭稻水碓 聲忙纜車風緊我記茗谿幽
權相逢休笑做識字農夫儘堪
終老楊柳陰中飯香黃犢飽

浣谿紗

題西湖載酒圖

百頃風漪鏡面寬 水心亭子曲闌干
粵時細雨不多寒 昔日湖山如畫裏而今真向畫中看
何年重上四宜船

虞美人

秋夜書所見

夜靜隔粵聞步履似見亭亭立
風鬟霧鬢是邪非只恐木犀
香露溼秋衣 檐前墜下梧桐葉
心性由來怯月明如水水
還空嬌影翩然何處覓驚鴻

湘春夜月

題龍女牧羊圖

海山低白煙幾點依微驀見雨
族驅來水霧溼綃衣欲折珊瑚
鞭起柰癡雲不動艸碧淒迷縱
方諸作鏡紅妝慘澹嫁便須嗁
風鬟看綽約簪抽涼玉怨比湘
纍羅韞凌波又誰妒 水精眠夢
謠詠蛾眉鱗鱗魚媵恁龍堂難
寄書回待緘就珍珠密字悵洞
庭霜樹舊日寒閨

浣谿紗

感舊

手卷疏簾上玉鉤 林園過雨似新秋
生綃團扇綠衣襟 未便背人通一語
如何竟去不回頭 隔粵微見眼波流
水榭風來度暗香 蓮粵漏滴玉壺涼
夜深多少睡兜央 脈

脈苦心含豆蔻遲遲纖手遞檳榔而今始悔不能狂
粉靨猶堪認舊題那拚溝水各東西羅裙怕染落鸞泥芳
艸無情三月暮翠鵲多病一春嗁蜀江愁黯碧玻黎
淒絕空廊子夜歌華年錦瑟悔蹉跎依然照壁舊銅荷
篋裏衣裳渾未澣班班圓暈在秋羅淚痕應比酒痕多

鵲踏枝

巖九脩能臥病梁谿隱几東郭其壻鄉也藥鑪經卷
病亦不惡余適歸自邗江脩能以詞柬余念西泠舊
游蕉萃婉篤余亦浪迹淮海頗不自聊有不能已於
中者為賦此闕以荅其意

白舫青尊游冶伴多少閒情付與閒歌管煙水西泠春夢斷
羅襟怕惹飛鸞感小病經年風景換煮藥香中簾子垂垂

暗一樣飄零塵路倦鬢絲試較誰長短

木蘭粵慢

送脩能歸苕谿

艸堂詩未就人將去酒初中怪分手今番粵前雁後直恁
恩買得輕舟載夢挂斜帆卻趁試鏡風何處悠揚水遂新愁
吹滿眉峰相逢盡道帶圍鬆惆悵向來工料玉孃湖上梅
緘香坼要綴釵叢謂君姬人香脩兩地情絲牽惹算春蠶也是可憐
蟲我擬浮家苕雪摹伊煙水清空

鵲踏枝

元旦

旭日初晴光照牖帖子宜春吉語新書就不願積金高至斗
一年好事詩千首竹要平安粵要壽竹北粵南人與天長

久折得梅枝香在手金尊勸飲屠蘇酒

減字木蘭粵

春光有幾一半春過春病裏睡起無聊乍許凭闌酒力銷
落紅幽院那得愁人腸不斷艸艸年華纔見梅粵又棟粵

百字令

粵朝

恨乏千金與羣芳爲壽盈尊且飲擬倩仙人殷七七齊把春
魂催醒杏靨纔勻桃鬟尙小最薄梅粵命冰霜摧挫冷香枝
上飛盡 此後墮溷飄茵升沈未卜天意高難問要得玉人
親手折須倚紅樓開近若說裁詩憑伊作骨也有吾儕分朱
旛低護風姨莫便吹損

烏夜啼

春去太恩恩恨重重料想落粵不共水流東 湘簾下銀鈎
挂舊房櫳拾得殘絨一縷可憐紅

月華清

題子山孤山載鶴圖

淺澗沙明平橋波闊短橈何處輕檣涼月粼粼吹皺一匳煙
水倩吳孃蕩入明漪人坐玉壺心裏閒倚只白漚三兩恐教
驚起 無限生涯蕉萃待寫向湖天別饒幽思蘆葉蕭蕭飛
上一襟吟翠喚林逋雪夜詩魂攜倦鶴與秋同載無寐聽蕢
洲遺譜遂聲吹碎

百字令

秋陰

淒陰一片向遙空閣住欲晴還未秋到無光眞慘澹盼斷夕

陽天際低坐昏雅高飛新雁都沒蒼煙裏鼓樓那角暮愁又被催起 若論遠近關河沈沈如夢愁也難迴避惟有江船吹遂去老我鱸鄉橋里縹緲雲沙溟濛水竹覓句敲帆底釀成蕭瑟黃昏雨又來矣

風入松

寄良甫

人間流落庾蘭成詞賦怨飄零濛濛煙樹冥冥水隔江南第幾層城豪氣銷磨劔鼻客塵堆上衣棱 小窗一角貯秋深寒意夜飄鐙階前落葉風吹聚柰蕭蕭總帶離聲料得倚樓長遂淒其今夜吟情

臺城路

帆影

晴漪十里明如鏡一痕低度雲影晚色模黏波光澹沲畫出湖天離恨危橋路近看葦隱青疏蓼迷紅冷水國寒添飛來葉葉墮幽暝 夫容湖上茅屋浮家何日遂終老漁隱柁尾拖煙桅稍倚月伴我篷窗孤凭江天風靜正沙渚陰陰昏雅斜趁暗拂涼莎不教漚夢醒

前調

鶻聲

西風人去郵亭暮離心先被吹遠小艇鳴榔孤篷颭遂逆入疏粲古籀橫塘夜半惹煙外淒音更添幽怨欵乃吳歌船孃羅袖倚窗倦 斷魂何處行客幾回敲枕聽愁臥江館水竹敲詩蒼蘆夏夢涼雁一聲驚喚漁邨酒幔正乙乙搖來十分清輓櫂入楓橋好隨江路轉

清平樂

秋夜閨意

迴廊悄悄簾月疑秋曉幾朵涼鸞如鈿小倒挂收香么鳥
無言獨上西樓窗前斜倚秦箏今夜銅壺清漏聲聲滴在心
頭

漁家傲

舟泊太湖望洞庭諸山

暝色空蒼雲欲化遙峰歷歷如殘畫低映山莊秋樹罅新紅
亞橋枝染出吳霜下 聖女祠堂何處也蕭蕭應有風吹瓦
星斗高寒煙燒怕鄰船話前頭帆影如奔馬

一萼紅

艮甫買舟來越晤於湖樓絲雨迷天移尊酒相對各

賦一闕以慰旅懷

傷斜門隔幾行斷柳秋水坐移尊誰省湖邊蒼茫煙樹無聊
還有詞人看一葉飛來小艇向波心雙槳蕩漪淪細雨如絲
輕陰似墨又近黃昏 莫著浮名相累把等閒歌吹換了征
塵夕社盟寒鱸鄉夢杳天涯秋已平分看沙渚蘆花嫩白比
西風鬢影帶愁痕江潭路任教蕭瑟休愴吟魂

謁金門

秋宵有憶

銅鋪闔月色乍移窗格透過清輝方一冊稜稜如界畫 砧
杵誰家巷陌簫管誰家第宅隔著銀牆疑不隔夜涼鸞影白

沁園春

為李白樓題寇白門小象

手石山房詩金卷二
匹馬歸來非俠客，耶嬋娟美人看絲絲鬢影。蟬紗微側，纖纖
眉樣螺黛猶皺。紅豆裁詩黃絕，入道舊院荒涼。若箇存秦淮
路說，寇孃重見無限銷魂。不須懊惱前塵，算朱郎難忘舊
主。恩念江山此際，初經劫火樓臺。當日重認巢痕，夜月丁簾
春風甲帳，瘦到香桃病幾分。添惆悵，只一行疏柳，白下斜門。

鵲踏枝

吳江舟次

竟日移舟，鬢影外蟹舍魚莊。江景偏瀟灑，浪說秋風歸計。遂
蒹鱸上市無錢買。柳絮飄零，終不悔化作浮萍萍。又隨流
水，只有圓荷珠露墜，分明畫出青衫淚。

高陽臺

過下邳

艸艸離亭，勞勞行客，和愁馱上征鞵。山額棲雲，宛然恨鎖眉
端。人煙寥落，逃亾後有蘆簾竹屋。家近河干，俯閒門野水無
漚。直恁荒寒。故侯斷碣，尋銀字想當年。圯下黃石書傳臥
柳蕭疏，矮橋橫泊漁船。雅軍圍處，偏成陣畫斜陽。醉墨初乾
更催人涼暝，沙頭添倍淒然。

思佳客

綠樹陰中，閉畫門敲斜金雁。一箏塵烏絲格子，紅絲研小字
雙鉤，仿洛神。香乍蒸酒微溫，滿簾粲氣作黃昏。西南樓角
纖纖月，認是吳孃指甲痕。

滿庭芳

梨粲落盡，好夢難成，悵望空枝感而有作
竹檻愁煙，蘭橈染露，小紅亭子依然。牆東一樹，不見粉嬋娟。

記得迷藏粵底到深宵忘了春寒湘簾外絕無人影十二曲
闌干 風前潘鬢改向華嚴劫後重問情禪看綠陰陰地悟
到前緣彈指韶華有幾好春暉都付嗁鶻畱題在淚痕猶溼
不共墨痕乾

百字令

重過碧社湖感舊

烏篷當日記閒盟漚侶曾問幽浦十畝疏香爭透水隔斷南
湖煙渡翠帔相扶紅衣欲蛻單舸尋秋路明蟬墮影滿身都
染清露 那便夢隔雲波魚莊蟹籩零落今如許不信繁華
容易散只有寒潮今古髡柳荒橋枯荷廢苑野鬪西風語何
年此地一蓑來臥煙雨

昭君怨

感白門舊游借伯夔同賦

記得玉纖送酒春色梨渦先透簾影月西斜未還家 贏得
小窗孤悶依舊碧綃香潤蠟淚滿金銅是愁紅

同作

楊夔生 伯夔

記得柵裙翻酒喚傷香篝熏透容易夕陽斜泰孃家 幾
日薄陰愁悶不是新晴清潤秋錦小房權雁來紅

百字令

為楊二子山題雪豔圖

素春亭閣記斜柯綴玉夜雲吹白曾共闌干偎絳袖一寸苔
枝同折明月前身春風舊恨合住梅粵國卷簾人獨滿襟都
浣涼雪 無言小伫迴廊半鬟香霧樹底亭亭立遮莫人間
風露冷幽怨玉清淪謫瘦影搖鐙澹香浮夢休更吹橫蘧恐

手石山房 卷二
教驚起一雙翠羽清絕

虞美人

泛舟秦淮

闌干十二雕青玉搖漾晴漪綠夕陽江閣嫩涼添兩岸人家
齊上水明簾笙歌一隊歸來早白袷俱年少楊鸞飛作滿
湖煙斜趁東風亂撲酒人船

渡江雲

燕子磯

蒼茫江月墮推篷看危石聳孤屏渾疑江燕立下瞰風濤得
勢欲飛鳴崖根插水巉削處靜影亭亭晴翠溼飛來煙外如
雨滴吳舫淒清微波澎夏四舫無言料舟人未醒攜鐵篷
波濤深處且學龍吟空江多少精靈睡只漁歌唱出前汀吹

嫋嫋餘音遠破空明

虞美人

信步入圓覺寺

打頭策策鳴黃葉野曠西風急亂雅歸去翅翎紅只爲夕陽
猶在最高峰意行差喜僧廬近衰艸埋幽徑寺樓敲倒已
無鐘賸有一枝白塔兩三松

瑞鶴仙

游棲霞山寺

雨餘靚埽脩眉影雲根幾多逋峭浮藍樹古搖青竹短疏煙
籠罩寺門深窈問可有俗塵吹到正危峰梳翎小鶴雪羽墮
松杪引我煙霞想如此湖山棲遲真好僧歸甚處裏紅衣
踏來殘照畫出秋聲儼一幘荆關幽橐又吟蟬墜響似磬答

遠嘯

謁金門

霜月冷落葉亂捎銀井天未雁行飛不整秋聲先到枕漏
點漸添淒哽鑪火漸留餘燼開得釭花長一寸歸期應有準

望湘人

秋夜閨意

碧梧陰新蟾瞪目只呢人一點覷破幽暝雲母窗溪水明簾
薄送過半庭粵影畫菊單衣星前小佇滿襟秋冷下苔階燕
罷心香金盞更添宮餅試看絡角斜河恁鴻飛不到久沈
芳訊書牋能傳畢竟天涯還近隔院吹簫誰家擣練併入西
風一陣且消停烏鵲雙棲索性待他睡穩

賣粵聲

簾外玉鉤敲簾底無聊怪他燕子不歸巢如此畫梁棲便得
何忍輕拋薄命是天桃昨日今朝護粵旛子不多高卻被
秋千紅索影罨上香梢

國香慢

蘇隄晚歸

嵐翠爛班恁幽汀水色不起微瀾只賸幾株疏柳瘦綠堪攀
知了一聲飛去看夕陽冷到沙灣逼真古圖畫塔指黃妃霜
葉初殷沿隄歸路晚問逋仙何許放鶴應還高人長往卻
好喚做孤山比似當年西子澹妝梳縮出煙鬟誰解佩璫贈
月上松梢碧玉彎環

西江月

由拳道中

儘有市聲吹到卻無塵土飛來一谿曲折抱城隈都是鮮粿
活水沙暝初聞蛤吹日長又被蟬催驛亭依舊柳絲垂添
得幾分蛾翠

百字令

石城憶舊

載愁滿艇恁今番惆悵不堪言別一樣石城橋畔柳寸寸柔
絲吹碧細葛裁衫輕羅製扇割得秋波色漁歌唱晚倚闌猶
想橫簫縱教曲港通潮文鱗六六怎把魚書覓酒到半醒
鐙半炮何減曉風殘月昨日江南今朝江北眼底山重疊無
情流水為誰終夜嗚咽

前調

舟泊瓜步書寄春樵並羽素女兄

鄉關咫尺怪恩恩別後有愁難寄江上丹楓如舊識款我天
涯行李殘月沈山鯨星墮水宿雁驚飛起蕭蕭落葉滿篷都
是秋意堪羨漁弟漁兄敲鉤結網舟泊蘆花裏偏我船艙
形影隻夢也有頭無尾郭外砧聲樓中鐙火今夜眠猶未料
應屈指計程三百餘里

河傳

江頭夜泊

江影秋暝傷沙汀向晚扁舟不行渡頭月落潮水平星星漁
鐙煙外青孤衾冷伴閒漚宿憐幽獨不暝如魚目數巖城
夜幾更聽聽碧雲低雁聲

鵲橋仙

伯夔以織女機絲圖屬題圖以白羅為地被以紵繡

五色昭爛神光奕奕然閨中所製物也

月高鈿瓦星斜珠網梧葉乍催幽暝明河澹澹欲生煙看遙
天碧分秋鏡 香羅好翦采絲細擘繡罷綠窗風靜夜闌
底拜靈妃乞鴛機一梭雲影

買陂塘

偕伯夔暨秦蘭臺州牧游邵邨

帶平林眉痕淺碧吳山無此清遠斜行白鳥低飛去界破僧
衣一片秋思換怪巾履蕭蕭閒卻蒲葵扇彎環徑轉看三兩
人家竹籬茅舍也有酒帘颺 迴谿畔覆屋蘿萼短短涼陰
十畝先占當窗試凭烏皮几忘了北風雲漢陂水暝正大芋
高荷漲綠新來滿紅塵隔斷只疏柳明邊夕陽漏影一角冷
金糝

風入松

偕伯夔露坐有黃葉一片墮紈扇上

秋光似水漾闌干團扇約新寒亭皋句好渾難畫天涯恨吹
上疏紈堪愛額黃顏色可憐不在眉端 林梢一片下琤然
誰刻小琅玕分明纔著蟲絲裏向風前又誤輕蟬會記楓江
夜泊蕭蕭聲滿吳船

青玉案

范陽城南有邱一成野萼倒垂綺闌罨澹如釵如旒
余與伯夔往游每采歸以供栢案伯夔詞先成余亦
繼作

故園門徑荒煙隔依舊是城南陌何必海棠鄰院乞斷垣殘
鬢鬢撩眼也自爭紅白 幽香無主誰收拾算有今番秋

士識莫向瓦瓶傷脆折昏昏野氣艸蟲聲裏多少愁顏色

原作

楊夔生

斜陽脈脈含哀麗正人唱旗亭裏猶憶少年游冷地燕昏
鶯曉上津門外萬點淒涼淚 纖羅只把離騷記誤認先
生蘭有蕙冷落疏煙圍斷墅江淹賦後東風多恨吹碎愁
根蒂

登樓怨

登范陽城樓西風乍涼落葉如雨不禁有王粲依人
之感歸度此曲以寫旅懷

亂山圍古堞向暮蟬聲裏獨自登樓葉葉西風故園無此涼
秋幾叢遠樹牛毛細有煙痕綠翦雙眸更淒然似水斜陽併
入寒流 舊游空記省在幽篁仙嶺落木邗溝渺渺平沙天

涯底事句留多年戍壘銷兵火聽哀笳尙帶邊愁最無慘城
角孤琴相見回頭

生查子

小院又秋風落葉敲窗紙蠹葉有蟲書應篆相思字 粉破
淚成行不斷如鉛水滴著海棠琴立見愁紅死

虞美人

燭盡樺皮香不活曉色傷心白竹風吹做十分秋添得一聲
征雁墮高樓 幾回敲枕長宵度殘漏分明數錦衾裏了尙
寒侵月苦霜濃天杪有人行

買陂塘

過邯鄲題盧生祠壁

傷叢祠夕陽繫馬紛然落葉堪埽羨伊一霎曹騰裏凡劫銷

完艸艸應冷笑看門外征車十丈紅塵繞朱顏易槁任螳國
功名鹿墮身世都向夢中老 長安道想汝青衫潦倒秋風
失意歸早麟洲小水還無分何況方壺蓬島鬢枕好何借我
游仙便算開懷抱三山縹緲說丹竈難尋黃梁易熟努力且
餐飽

百字令

過漳河訪銅雀臺遺址

寒沙一色訪銅臺遺址但餘荒翠薶火鄴城無片瓦不道離
宮都改橫梁詩豪捉刀氣猛可有雄心在分香賣履柔情也
自如水 當年百戰山河金戈鐵馬久已無殘壘千古英風
淘洗盡何況春深蛾黛隴樹西斜漳流東去鬱鬱聞歌吹迴
潮幽咽望陵幾許清淚

踏莎行

咸陽旅次寄懷夢湘弟

渺渺征途行行且住羈愁挂在咸陽樹對牀已抱十年心無
如此夜相思苦 悵望刀環遙聞砧杵長安也憶嬌兒女揮
鞭已過霸陵橋翦鐙只夢巴山雨

南歌子

咸陽旅舍

樹底西窗暗山頭北斗橫烏烏畫角動高城認是誰家玉遂
又飛聲 夜月秦宮鏡秋風漢殿箏淒涼懷古不勝情杳杳
長空塞雁更南征

齊天樂

劔閣

縈紆蜀棧羊腸似盤旋亂山堆裏拔地千尋去天一寸長劍
不知誰倚陰陰雲氣幸塞少丸泥稍通行李眾綠爭門溼衣
空翠冷如洗 孟陽銘尙在否料殘碑橫臥難更扶起驢背
裝輕牛腰卷大得似詩人也未悲風天際聽鈴語郎當如聞
替戾何必張徽哀弦深夜理

滿江紅

棧道紀游

山色雄奇竟不屑與秋爭瘦知費了幾多螺黛描來新就怪
石凹巖藍面鬼老松倔彊蒼髯更干尋峭壁挂藤蘿蛟蛇
走 復磴上莓苔厚危棧上闌干朽想補天有隙絲絲猶漏
絕壑颼颼風出穴層崖翳鬱雲生竇要圖成須仗大癡哥丹
青手

疊嶂層巒巴子國竟無平野幾曾見相如負弩公孫躍馬山
勢爭來朝白帝人煙何處通秦塞只劒門塞得一丸泥堪雄
霸 還不了鶯鶯債說不盡興亾話正子規啼後杜鵑開謝
古墓殘碑秋雨洗神弦怨曲哀湍瀉更荒邨月黑虎夔藩當
深夜

一綫陽光何處望天彭井絡只仰見盤空峻棧虹膏斜束瘦
馬渾如雞上埭勞人盡比猿升木有白雲笑客十分忙巖頭
宿 晴漏滴聲冰玉流水響聲絲竹更干條礪併一條飛瀑
橫跨石梁龍露背直衝沙觜虬生角喜筒車旋轉疾於風如
輪速

甍裏繩行算都是陰平古道今纔辨幾峰懸互幾峰逋峭嵐
翠濃於青石髓夕陽澹似紅泥竈看一鞭轉過茂林來穿叢

拜石山房詞鈔卷二
七
篠 暝色裏昏雅噪明月裏征鴻叫便三更枕畔還催夢覺
江上竹枝蠻女曲山頭瓦鼓巴人調怪無端清淚忽霑裳孤
猿嘯

漁家傲

翠嶂橫空恣晚眺眼前但怪炊煙少寂歷疏松敲晚照歸雅
噪虎皮牆裏山神廟 一任西風吹破帽那愁曠野逢剽盜
指點行人喬木杪鈴聲悄蕭蕭匹馬隨飛鳥

拜石山房詞鈔卷二

拜石山房詞鈔卷三

無錫顧翰蒹塘著

仁和許增邁孫棐

湘春夜月

爲楊蘿裳表丈題雙美聽秋圖

正秋晴秋煙都化空明堪愛小閣茶香斜日半簾陰淺綠羅
囊初製向七條弦外悟到琴心聽風移樹杪翠濤颯颯飛下
天聲 長陵雙姊妹看臨流結束羅帶綃襟窈窕雲泉只恐
是題紅樓碧一搦閒情石闌同倚應不歎難遇知音緣何事
高鬟微側在最無言處卻又沈吟

朝中措

辭濤井

一泓舊井習燕支井畔莫尋詩便令詩題蜀紙風光細賦誰
知 掃眉人去有如粵落悵望空枝何況枇杷門巷翠陰也
異當時

風入松

不施脂粉澹妝梳病起弱難扶眉邊秀色須餐飽怪鐙痕尙
帶模黏贏得出門相送玉鉤印上春蕪 風塵淪落最憐渠
盼斷數行書隔粵惆悵人難見柰而今粵影都無料得曉鶯
飛處淒涼夜月唳烏

荔支香

爲汪均之題唐荔園

天上粵冠人間羅韞昔年恨事茫茫海山風露一樹側生香
試問綃衣仙子傷心曲記否霓裳前朝寺團蒲許借小坐話

滄桑

紅塵飛騎到西宮南內幾箇同嘗想玉魚含罷碧唾

微涼惆悵棠梨佛閣淋鈴雨易近昏黃春墳畔殘碑三尺芳

艸斷人腸

春閒過馬嵬舊傳佛堂梨粵一株
爲貴如畢命之所今已不復見矣

渡江雲

爲屠琴鳴太守題就竹亭圖

半亭斜日影蕭蕭瑟瑟一派畫蒼寒翠煙遮不斷結箇團瓢

合署小檀欒

小檀欒室亦
太守齋名

叢書兩版記當年多少清歡移短

榻綠陰深處詩夢得平安 無端塵土京華憶瘦石幽粵舊

時庭院春泥軟筍鞭行速知近闌干拂檐千个青鸞尾叩園

扉知借誰看歸來好憑君寄語琅玕

買陂塘

題琴鳴太守陂谿漁隱圖

琴鳴太守陂谿漁隱圖

三

冷谿光染成今古迢迢只度漁唱山蒼雲白沙明瑟拜了鱸
鄉亭長潮欲上正一遂風疏悄入蘆琴響夕陽西向看菰米
初收船昏敲火又有暮煙颺 眞州路郭外桑麻無恙竹車
都愛春紡君宰儀徵令邑之婦女紡木棉爲布 霄纏騎鶴知無分要覓釣絲千
丈新水漲說夢到漚邊垂柳波搖漾桐廬雁宕約老去天隨
筆牀茶具結伴橫烏榜

高陽臺

題均之填詞圖

露井桐高風廊竹亞數行低寫烏闌吹來海南香氣合是梅
檀悠悠多少閒歌管向旗亭慣誤雙鬟拂冰弦二十三絲煙
外輕彈 前身共坐青蓮上恁相逢一笑又在人寰既墮紅
塵可應綺語全刪桃粵悟了空潭影結同心蕉萃枯蘭證情

禪夜雨秋鐙話到更殘

風入松

陳石士太史屬題墨描萱琴小幅

後堂簾幕晝悄悄惆悵百年心何人畫出西風影向天涯夢
裏追尋記否宜男私祝佩囊小綴羅襟 尊前魯酒與重斟
華髮不勝簪世間那有忘憂事者幽懷誰是知音珍重秋琴
一朵句描澹墨如金

清平樂

折琴在手試問琴知否琴到遲開方耐久須與春寒相守
畫簾日日低垂緣何不展雙眉瘦了綠窗鸚鵡爲伊和淚題
碑

沁園春

咏風門借劉芙初太史作

行過斜廊折竹蕭蕭低遮畫檐看方楞宛在移將苔榻疏櫺
依舊卷卻筠簾繭紙新黏銅環暗鍵為有霜風分外籤空明
處只隔重雲母窺見涼蟾 中庭悄覺寒嚴便雖設長關總
不嫌似朱扉半截油琴略染珧窗一扇鐵葉微添門扇展動
之京師謂香暝頓留燈明更徹小雪誰知又撒鹽無人叩喜
叢書其際快讀緗縑

四字令

咏金冬心蕉葉研為戴竹友農部賦

香融玉泉琴寒石田碧窗低颺茶煙稱庵名綠天 春風句
填冬心字鐫喻麈一笏輕研寫琅玕翠牋

滿庭芳

咏唐琴為趙樹三比部作

竹閣欺霜梅茵點雪是誰暗返香魂琉璃窗戶呵暝一重雲
自製泥金小牒瑤臺使預倩氤氳垂羅幕仙裙襞皺莫令著
風痕 不用頻催羯鼓只新紅初試要借鑪熏恍玉衣珠袂
天寶宮人圍住名琴作國瑯嬛洞別有陽春應惟是幽蘭空
谷不寫藉餘溫

揚州慢

隔院聞歌聲同蔡浣霞儀部賦

呵凍鈔書撥灰覓句者般客況無聊聽鄰家讀曲又暗逗梅
梢怪如此清寒羅幕有一絲蘭氣吹入紅簫拍低低檀板玉
人知是誰教 閒階小立隔銀牆更比天高記柳影斜門梨
粲別院特地相邀減了杜郎愁鬢江南怨重唱瀟瀟儘思量

前夢銷魂只有今宵

高陽臺

篋中檢得山水小幅疏林古驛遠水斜帆彷彿淮浦
道中風景題有幾樹夕陽投驛騎一帆秋水渡江人
之句蓋癸酉歲竹畦所作也感賦此解以寄竹畦
早雁書空微霜染葉天涯艸艸孤征回首家山亂峰無數縱
橫津亭不打迴帆鼓挂林梢斜日銅鈺聽風前幽咽寒蟬總
帶離聲扁舟不省愁來路向迢迢遠水慣遺行程隻埃煙
中蒼茫暝色初生荒榛怨斷黃樓遂有秋宵戍角淒清問何
如畫舫青尊人醉江城

琵琶仙

邵蘭風文學屬題秦良玉小象

翠靶朱鞞圖中認英氣眉邊猶在爲想珠帳牙旂秋風動笳
吹麾白桿精兵數萬更圍擁紅妝幾隊巫峽雲深夔門路險
高築營寨直教那黃虎魂驚只攜帶人看將臺拜蠻洞調兵例以
一帚一箸帚取掃蕩之意箸取善飯謂須精卒至也驄馬桃花香浣走長虹如帶誰失
勢竹坪篁嶺使賊奴敢覬峒砦一片爲國丹心溼衣鉛水

一萼紅

丁丑人日董琴南太史招飲席上賦此
記年時向錦江天遠頻寄艸堂詩畫鼓春城梅萼古驛重來
京國棲遲且賸卻辛盤俊味看斜簪采勝照春池香沍筠籜
雪消苔徑瘦鶴先知數點紅椒初綻想天涯芳訊盼到南
枝小閣烘晴高樓映水儘容玉筵橫吹倚多少風流裙屐染
煙痕鬢影綠絲絲快意黃金買醉莫鑄相思

買陂塘

小園題東越飽帆圖送浣霞太守之閩
悵離筵川途渺渺更番聽過津鼓低飛新雁斜雲裏也趁檣
烏東去江上路看臨水樓臺何處無煙雨一枝柔艣向釣客
磯頭桐君廬畔帆影翦蒼樹
經行處載取筆牀茶具依然
瀟灑如許幔亭仙客相遲久石壁須君題句秋未算正蘭阪
香飄一鶴隨人步相思別浦說荔子垂紅椰瓢泛碧莫忘舊
漚鷺

高陽臺

秦敦夫年丈屬題冒巢民姬人金曉珠畫鷺粟粿小
冊
製罷琴囊拋餘鈿粟口脂潤到豪端鬪取嬌枝婉婉春色將

闌卷簾人立東風裏怪雛鷺飛近闌干漫疑他香稻收時嬰
武衛殘 雉臬細艸茸茸碧柰亭園水繪都付荒寒畱得無
多賸粉索米人看蜜脾冷漬薔薇露配一匙滑玉正好加餐
見巢民董
姬小傳 最銷凝曉露如珠紅暈初乾

賀新涼

題築室松下脫帽看詩圖

野色分煙靄望遙天九峰浮碧淺於螺黛門巷荒寒曾夢到
不是青谿相對看綠翦松毛如蝟結箇團焦秋影底比僧房
一把香茅蓋橫短榻枕書睡 新詩怕被菊人愛向窗前麝
煤繭尾幾番參改巾角裏頭渾忘卻詎作狂奴故態便老樹
都霑吟翠近稟而今添幾寸想行閒謾謾清風在圖畫裏響
幽籟

臺城路

題陸萊莊西湖詩夢圖

生綃不翦吳淞水難忘武林鴻爪單舸尋秋袷衣兒酒三五
翩翩年少湖心亭小看低映涼粲斜飛沙鳥極目憑闌不知
興廢有錢趙南屏晚鐘吹到游人都散盡分外幽悄月涌
銀灩山浮玉塢著箇詩仙縹緲黃塵撲帽問何似西泠四圍
煙艸扇障元規白漚應冷笑

國香慢

題楊子萱扇上秋江照影圖

粵墮銀缸記夫容寫影曾住秋江紅衣爲誰蕉萃昨夜微霜
惆悵鴛鴦獨宿卻羨那漚鳥成雙天涯倦回首早被秋眸割
斷柔腸尺書何日到想蠻牋小幅粉淚成行秦箏待譜幽

恨只度清商爲畫生綃團扇懷人意偏在新涼西風解吹夢
一片斜帆煙水茫茫

高陽臺

題萊莊女蘿秋感圖

柳色絕青苔痕翦碧畫簾卷上秋陰一味嫩涼如水小坐支
琴流泉聲裏么弦絕冑飛塵翠幕愔愔背銀鐙擁髻無聊同
話傷心綠蘿依舊澄江館恁西風吹淚徧染羅襟半臂香
銷可憐今夜寒侵汀洲蕭瑟吹蘆絮有孤鴻愁聽霜砧盼吳
松羅韞凌波夢入秋衾

甘州

送朱芸塘同年之官甘肅

都門風雪駐行裝珍重勸離觴正桑乾木落寒聲蕭瑟總帶

清商躍馬滹沱冰渡關塞接天長一片秦時月夜色蒼蒼
莫悵宦游萬里便穹廬沙磧都是歡場有琵琶羌女弩裏映
蠻妝且沈醉蒲桃十斛聽邊人百隊唱伊涼長安近好追漢
吏績紀循良

憶舊游

題章芝眉孝廉冷泉月話圖

正寒蘿抱石古木棲雲暝色遙峰煙樹溟濛裏看橫飛雪練
粉碎虛空吹上一丸孤月影落亂流中記叩竹曾攜團蒲許
借衲子重逢 幽亭小於笠恰半貯泉聲半貯松風欲說無
生話又驚回鶴夢打起疏鐘如此光明世界何換輓塵紅問
何日還山蕭然鉅盜從誌公

玉漏遲

癸未七夕微雨同人坐雲心山館鄒君蓮舫未娶詞
以調之

四圍雲影帖星河一道遮將周匝竹閣新涼睡起欲拋羅箑
煙暝檐前雙鵲輕墮下梧桐蠹葉微雨溼似熒熒數點淚痕
棲睫 聘錢慣貰黃姑柰良期阻滯阮囊羞澀懶卷珠簾蛛
網低垂犀押應念穿鍼人獨正鸞下銅鋪未闔尋繡篋翠縷
暗縈纖甲

鵲踏枝

伯夔以田家詞見示情真事近絕似范石湖詩余廣
其意得十二闋

昨夜春聲喧爆竹鬱壘門邊紅紙書斜幅臘味登盤嘗已足
檐前更挂風豬肉 采絹黏燈新簇簇簫鼓喧天國泰民安

樂后土祠中雙筭卜今年贏特生肥犢

乍暝乍寒難禁架酒壓茅柴風味甘如蔗搖曳一帘粲影外
提壺便有人來買 暮雨瀟瀟潛入夜埽墓歸遲油繖從誰
借廟令掠錢青櫟社農夫蓑笠團團拜

水漫平田何用屣灑灑谿流釀若桃粿醋脫卻木棉麤布袴
淋灰浣後如紈素 瘦策寬鞵來散步笑看兒童手捉風中
絮不是邨農無世慮朱陳早得完婚娶

竹柵闌門剛半畝只哺黃雞不畜鷓鴣鬪霉雨打窗疏點逗
薔薇粵落蒼苔厚 初著單衣雙卷衷浴佛盆池來試澆粍
手瀾繭風香絲絡就嫩湯更煮青蠶豆

解駁晴光新雨止匝地槐陰艸閣涼於水袍笏且圖鍾進士
從來嚇鬼須聲勢 莫道田家稀識字一帙農書展誦如經

史石首櫻桃初上市買來先餽邨夫子

小麥收來量十斛吉日逢庚造醬宜三伏不怕驕陽當午酷
北風窗戶眼常熟 晚傷荷粍初罷浴坐看涼螢閃閃明溪
竹豹腳最能飛食肉幸虧簷下多蝙蝠

河漢橫斜涼露重屋角牽牛點滴粍梢動巧到天孫無處用
一宵艸艸將郎送 秋至瓜茄猶被壘會近孟蘭畱作僧尼
供昨夜孤魂會入夢鄉愚不獨人愚弄

露溼芭鞵煙拍袂曲折溝渠流出涓涓水紅稻梢頭垂短穗
稗粍結子先搖擺 天上月兒如餅大不信中間有箇嫦娥
在樹影婆娑終不改無端喚作蟾宮桂

瞥見黃雲飛隴首秋稼登場堆積如山阜折得茱萸香在手
登高只要柴門口 遠近邨春聞杵臼碓粉如霜爭把湯團

洩杞菊能添翁媪壽陶餅另釀延齡酒
動地濤聲林木外卷去檐茅老屋宜重葢聞道鵲巢知太歲
竹扉開處依方位小圃十弓勤灌溉市得吳鹽巨甕醃寒
菜幾簇籬根霜未敗渾如雪裏芭蕉矮

落葉隨風吹滿地閒煞烏犍日向桑根繫未到夕陽門早閉
打門不怕催租吏甌石可爲終歲計篝火中宵予婦都懼
喜笑據竈觚來說起前邨看得酬神戲

窗紙棱棱風刮破低逗同雲雪片鷺毛墮畱得半盆煨芋火
大家烘手團欒坐屋外梅萼開幾朵不解尋詩只遣驢推
磨堪笑幽人能忍餓籠鞭側帽谿橋過

高陽臺

偕黃霽青太守夏詞仲孝廉譚及滇南某翰林事各

誌一闕

閬苑遲歸旗亭早散相逢人在天橋細馬輕衫堪憐一搦纖
香玉堂不作笙歌夢聽等閒清漏迢迢問何時繡被篝香共
度良宵藥鑪煙裏昏沈睡把黃金鑄淚溼透冰綃渴病難
醫空教抵死相邀南雲翦紙招魂葬怕吟魂先爲春銷懺情
根種出夫容莫種櫻桃

行香子

寫懷

擬傷家山流水迴環築得箇茅屋三閒櫻皮亭子杉木闌干
更種些梅種些竹種些蘭終日身閒門設常關與他人無
往無還弟兄歡聚兒女團欒儘把書看把詩詠把琴彈

翠樓吟

劉芙初編修邀同人作銷寒雅集咏殘菊

紅退闌干青銷羅幕峭風前夜吹白香心渾未減記重九纔
經過得者番蕭瑟倚半角疏籬一拳瘦石還堪摘幽人蕉萃
橫簪鬢側待折供向軍持便孤客無聊也成愁絕霜華能
禁耐問可似舊時標格空林葉蛻畫慘綠寒煙荒黃斜日曾
相識秋江渺渺夫容木末

喝火令

題王南垞孝廉風雪思子圖

花乳清霜翦珠胎影吹殘年風雪上吟髭幽句傷心賦到
杏殤詩明慧能言日伶俜學步時衮師嬌美稱家兒記得
兩丸丫角繫紅絲記得簾前抱立手挽玉梅枝

珍珠簾

雪影

輕陰儘釀閒庭院織簾絲剛值斜風初定香冷博山鑪只餘
灰猶賸認取白描高格畫倩閣住紙窗幽暝相映映几上清
琴臺邊玉鏡經他慘入溟濛便幽閒老鶴也迷苔徑錯道
是梨雲訝幾分寒凝除卻羅浮無好夢擁絮被何人喚醒夜
靜便孤月飛來讓他淒冷

玲瓏玉

雪聲

靜掩銅環怪幽籟分外蕭蕭閒雩落盡瓦椽幾片輕敲不在
天風高處在敲斜疏竹清脆寒蕉飄搖休疑他松卷翠濤
何事悠揚短篷與丁東寒漏併做今宵羅韞生塵最堪憐環
佩人遙縱傳來南枝消息便知是玉梅香坼未抵魂銷只低

和唱新詩驢背灞橋

賀新涼

游仙

海色搖空綠早安排陽阿晞髮扶桑濯足弱水茫茫三萬里
中有閒愁千斛不如種桃粦滿谷身在紅雲深處住把丹光
自照山頭屋人世望耿如燭 鞭鸞笞鳳相追逐問星官天
門入直幾時休沐呼吸未能通帝座直算頑仙有福任占得
陽明句曲嬾與穀城黃石伍一編書挂向班麟角恐當做陰
符讀

前調

感西青散記所載綃山女子賀雙卿事

惆悵西青記與當年才人廝養飄零一例天使蛾眉成絕代

不信安排無計忍視等邨姑竈婢石爲浣衣亭餉黍任無愁
少婦銷羅綺香劫在幾時已 雄蜂雌蜺渾閒事最難忘隨
雅舊曲名粦失意翠繞苕蘿山下路曾見夷光椎髻說一搯
多情憐婿不怨天桃成錯嫁算今生命短東風裏研賸粉寫
幽淚

虞美人

紋紗不卷秋痕薄金井鳴姑惡琴心原在碧梧桐譜出清商
颯颯是西風 乍回涼夢鏡粦白夢也無從覓屣痕沒了翠
成堆又隔一層落葉一層苔

湘春夜月

丙子七夕

卷簾遲風光約略年時只是兩鬢愁生不耐晚涼吹收拾盃

盤艸艸便上筵
粵影都帶參差悵
二分眉月穿鍼人
杳獨自尋詩
迢迢河漢隔
悔聘錢十萬
買了相思鈿
擘釵分算惟
有南飛烏鵲
別恨先知牽
牛開後料
青繒不翦
雙枝頻敲枕
難成幽夢聽
蟲蟻瓜架
絡盡秋絲

齊天樂

自述

十年奔走長安道
全家但營一飽
駿馬驕嘶
蹇驢避立
諸事讓
他年少才華
正妙看水利
成書平戎
起橐曳履
星辰功名
爭羨致身早
青衫多少
塵土更驚沙
撲面頭似
蓬葆路鬼
挪揄醉人
推罵無語
相看一笑
最縈懷抱
只九隴
誅茅五湖
浮櫂綠樹
鶉聲不如
歸去好

買陂塘

記事

怪怱怱家山咫尺
歸程竟被風阻
無情惡浪頭
俱白底事
天吳又怒
橋畔路恁炫
服新妝
妒婦津難渡
等閒瀕鷺也
化作冤禽來
填恨海
幽怨向誰訴
身世事
轉眼都如電
露須知修短
有數
金釵得葬
蓮琴國便勝
一坏黃土
天色莫想翠羽
明璫小試
凌波步
誰歌楚些
約他日
巫娥神
弦理曲
莫忘水仙譜

沁園春

題蔣再山少府閉門種菜圖

三徑全荒
盍亦歸哉
貧能久安
想生涯冷澹
曾爲隱吏
頭銜落拓
雅稱園官
抱甕分澆
拾筐自翦
春韭秋菘
任意餐須知
是英雄本色
不比儒酸
門前舊井
都督記菜圃
鉏來十畝

寬帳瓜畦燕沒黃銷蝶粉竹籬破壞赤露雞冠世味豬肝光
陰羊胛大好先生苜蓿盤和根煮全家飽喫無限清歡

少年游

張氏廢園

西園飛蓋東山對奕往事似博沙糝綠闌敲油紅窗壞燕子
已無家 兒童來作拋壻戲拾得鳳皇釵骨瘦細桃香銷綺
杏春在野棠零

瑣窗寒

霽青太守以銷寒詩社圖屬題用卷中頻伽詞調賦
此卽送之官粵東

雪影搖鐙風聲卷幔醞寒冰酒朋簪小聚促坐書巢如斗共
圍鑪撥灰覓句任嘲山字吟肩瘦算年年舊例香溫茶熟些

時消受

曾有新詞鏤悵領袖騷壇不逢黃九

丙子冬余與
英初琴南諸

君作銷寒詩會時
太守已出都矣

今番汐社鎮擬尖又同鬪更須圖疏樹斷

泉又添片雲傳妙手

圖爲朱野雲所作今太守
同里謝石雲亦工畫故云

柰嶺梅玉琢

相思待君開笑口

揚州慢

題潘冰蟾女史蘭閣讀書圖

三尺筠簾一規菱鏡蕭然林下風清任調鉛吮墨做不櫛書
生且靜把畫禪參透迂倪緩范小字題評看香熏辟蠹煙絲
低裊羅屏 師門回首記當年絳帳傳經羨采翦青繒書鐫
紫石夙世聰明女史爲明齋師長女垂髫
時卽工書畫蓋天授也重見嬋娟玉潤便
梅雩也解傷心料雲帆沙鳥而今愁寫蕪城

鷓鴣天

爲冰蟾女史題美人畫幅一調羹一試茶一譜奕一
彈琴凡四闕

鼎刻蟠螭水火爭幾人湯聖得傳名只應杜老銀絲鱸堪配
坡仙玉糝羹 炊紫茜飯香秔寒酸那辦五侯鯖江南鰕菜
閒風味卻憶船孃素手烹

輕暝輕寒穀雨天一旗初展茗芽煎冰甌乍泛萼閒露瓦鈿
剛生竹外煙 浮蟹眼碾龍團萬松風裏小游仙青蓮舌下
華池水合占人閒第一泉

曲彙斜廊蔭綠槐疏簾清簟費安排微參奕旨閒經濟淨埽
楸枰小劫灰 頻斂手久低眉稜稜方罫陣雲開狸奴局上
休翻卻保管金釵賭勝回

一縷微熏艾蒔香平鋪錦薦淨琴張不愁雨後朱絲緩但恐

春初玉筋涼 移徵羽譜宮商哀箏怨瑟滿三湘何如西北
浮雲外樓上人彈陌上桑

買陂塘

題喬鷺洲茂才宜園讀書圖照

向長安涼棚結夏松篁吹徧幽粉故家喬木橫圖裏恍見思
歸小引滄海近正水氣陰陰漸徧書衣潤生平有恨只萬卷
丹黃十年鐙火尚有未完本 從今後中祕須教讀盡功名
莫歎無分兔園冊底尋生活多少諸公袞袞拚瘦損總不悔
鐙中煮字飢難忍百城坐隱看夜祭長恩曉餐脈望帳墨又
盈寸

齊天樂

余曾購得舊石印一枚劄鐫七律一首詞甚幽雅書

亦精妙蓋名筆也因括其意為詞

高人不河居城市結廬迥非塵境綠樹仙家白雲僧舍差與
幽棲相近柴門寂靜少入耳喧囂春蛙秋蚓只有流泉潺潺
石上滿清聽 次山身縱未顯想閉關著述便勝臺省退谷
來游杯湖任汎何事名心未盡故園堪隱說松桂成林已添
舊影動我鄉思聲聲聞夜磬 原詩云去城二十五里近天遣
隔盡俗子塵春蛙秋蚓不到耳
夏涼冬暖總宜人巖中清磬僧起定洞口綠樹
仙家春惜哉次山世未顯不得雄文鏡翠珉

喝火令

施芝年屬題妙蓮小影

綠綺傳三疊黃絕鬪六銖閒繡貝葉幾行書澹澹眉痕學畫
淺文殊 水月能圓否空鸞得果無迦陵消息近何如只恐
牟尼暗招又乘除只恐牟尼暗招清淚滴成珠

金縷曲

題楊孝女遺照

孝女毘陵人賣割絨鸞養母守志不
嫁余從琉璃廠畫肆中市得之題有

吾鄉施雪帆七古一首備見顛末因
賦此關求世之工詩詞者共詠歌之

為有烏私在何教隨秦臺伴侶吹簫鸞背比似木蘭當戶織
幾縷唾絨窗外還勝是隋宮翦采鸞簇錦窠饒活色一枝枝
贏得嬋娟愛從賣與鬢邊戴 羅囊詎要宜男佩祝高堂桑
榆晚景朱顏休改簾幕西風吹短燭灑上一襟紅淚看松柏
蕭蕭寒翠負土山頭封馬鬣比窵禽木石填東海須黃絹製
碑誄

拜石山房詞鈔卷三

拜石山房詞鈔卷四

無錫顧翰蒹塘著

仁和許增邁孫棻

南鄉子

調兩幼女

襦袴錦班闌
左右牽衣不
可閒
小手折
粵偷照鏡
彎彎菱角
教人作兩鬢
聽說念家山
笑問家鄉
可便還
卻似嬰哥
初翦舌
關關也學
參軍語帶
蠻

高陽臺

寄蘭厓弟於吳門

短簿芎祠長洲茂苑中
宵煙夢迢迢
倦旅天涯十年不到桐
橋淺斟低唱知多少
念伊人獨自吹簫
恨蘇臺春艸生時猶

映青袍 袖中檢點新詩本想近來行卷已似牛膏咫尺家
山誰知負米偏勞高堂白髮身還健柰長安客鬢蕭騷問何
時抵足吳船聽雨瀟瀟

鵲踏枝

丁亥寒食

簾外春陰天似墨人在天涯十載逢寒食細雨連朝風側側
杏萼只是無消息 欲上高樓無氣力倦倚羅屏畫裏看山
色一縷癡情忘不得夢中飛入烏衣國

大江東去

贈鄒伯勛千戶

論兵慷慨還能記年少場中結客艸淺平原盤硬馬手挽雕
弓霹靂耳後生風鼻尖出火渴飲黃虜血封侯萬里立功須

向沙磧 是何髀肉漸生壯懷頓減傷朱門冷炙顧汝雄姿
猶颯爽未有鬚髯如戟瀚海飛書邊城畫角嘯響刀頭鐵拂
衣起舞驚禽繞樹磔磔

滿江紅

游龍泉寺

佛日光中何處聚篆煙成塔寺門外白雲遮斷綠陰周匝八
德水甘清可飲三摩地迴平堪蹋聽四圍殿角颭風鈴聲相
奮 長被冷如禪榻征衫破如僧衲便橫陳帳裏也同嚼蠟
浮世真無行樂處空王賴有安心法羨杏萼先受戒香熏軍
持插

玲瓏玉

和陳石士宮詹早起喜雪原韻

碎翦冰綃向空外飛作瑤瓊田萬頃宛然玉有根芽紙閣

清如僧院笑併無木佛燒比丹霞些些恁晶鹽賺得羊車

我縱吟肩高聳媿袁生僵臥風骨堪誇宮詹詞中有袁安高

寒洹南枝問梅緘先坼誰家尋詩惟宜驢背應不羨騎嘶陌

上白鼻名駒卻疑是對松壺重展畫叉宮詹有松壺看雪圖會屬題句

貂裘換酒

賀族叔晴芬少司農 恩賜紫禁城騎馬

小雪輕陰作正庭前梅枝香逗先開幾朵白鶴忽銜丹詔至

溼帶九天珠唾賜寶馬耆臣穩坐去踏一條龍尾道五雲中

樓閣捎鞭過聽禁漏共鳴和 趨曹畫諾多僚佐論官階而

今已是起居八座曳履猶聞聲橐橐未許爭馳玉馱想劔佩

衝寒無那須到杏粦春意鬧悟先生福分由來大金甌卜預

堪賀

木蘭粵慢

津門官舍晤表姊楊蕊淵夫人暨表姪女佩珍女士

為賦此闕

都門誰祖道回古汴過丁沽看書卷蕭疏衣裝儉薄雅稱單

車暫借槐廳銷夏有綠陰可愛即吾廬何況登梓俊味令人

不歎無魚 崔盧情誼未生疏客氣儘刪除羨風流仙眷楊

家妹子姪又從姑快覩玉臺新咏便江山勝對六朝餘但惜

黃塵席帽依然離別須臾

鵲踏枝

以竹畦畫山水幅貽蕊淵屬題其上

石插江中青幾片綠樹沈沈氣候陰晴變艸閣拓開窗四面

拜石山房詩鈔卷四
三
坐看水色明如練 漚鳥忘機長不見
飛去飛來只有銜泥
燕斜日闌干簾半卷
梅風何處侵紈扇

高陽臺

蕊淵屬題琴清閣圖照

偶仿迴文頻鈔韻本蠹魚閒笑書癡
嬾埽眉痕可停班管雙
枝芭蕉只合晴天種
柰秋來小雨澌澌幸
深宵煮藥香多強
自支持 綠塵鎮日棲羅薦
怪七條寒玉又挂蟲絲
流水無聲惜琴德誰知
嫩涼正好拋團扇
剔釭粵細琢新詞看窗
前鵲鏡光清似月圓時

南樓令

題佩珍女士山水冊六闕

春色渺無邊
潮荒種蛤田而今誰似石湖仙
只有漁家人最

樂楊柳岸起炊煙 客路儘堪憐
風塵悔著鞭不知歸去在
何年買箇江南平底艇
閒伴那白漚眠

遠岫擁危屏
煙螺分外青
蕭疏古木似支硎
近日山家添白
葢新縛箇小茅亭
幽絕少人經
斜陽照眼明
秋光俯映水
空靈若比杯湖誰可汎
須寫著道州銘

宿雨溼茅檐
微風颺酒帘
似嫌山翠太嶮巖
一片白雲橫
截住剛露出數峰尖
衣到晚來添
芭屨艸色黏
高松歷歷盡
蒼髯怪有清光遮
不斷新月上兩頭纖

山下記經行
山椒勢漸平
煙中襍樹不知名
南北兩垞閒
過往支一木小橋橫
谿畔雨初晴
芹芽傷水生
艸堂纔構兩
三楹節候早
知春社近
梁上燕賀巢成

流水日潺湲
分明小輞川
秋林併少古藤纏
正值人家收粟

後餘翠繭樹梢圓 木榻坐來穿如參白足禪柴扉兩版屋
三椽不用長竿驅鳥雀只聽得數聲蟬

空翠溼衣襟煙嵐起夕陰誰敲銅椀學龍吟謾謾圓濤天半
落還認作海潮音 堪愛入山深全無俗慮侵烏皮短几坐
橫琴漫撫朱弦彈一曲驚飛了竹間禽

賀新涼

華生心悟以令祖吉厓丈蒼茫獨立圖屬題

妙墨高懷寄看蕭疏雲林畫本杜陵詩意藜杖幅巾人獨立
直恁冷清清地有遠雁一繩飛起帶著暝雅三四點似凝神
落筆蒼茫際將咫尺論萬里 能添老樹顛厓裏想當年抱
來膝上掀髯而喜今日范喬知奉研手澤所存無幾縱大米
還生小米藝苑儘多名父子說祖風難得孫能繼將此幅慎

藏弁

漁家傲

已丑仲夏將由津門至保陽蕊淵諗予曰是有澱湖
可泝而往也乃買小舸坐臥其中凡五日夜始達而
其閒可綱而漁可耒而田終年稻蟹不絀居民之託
業者甚眾至若沙水之明瑟林木之蒼秀泳鱗翔羽
咸來親人雖吾鄉具區笠澤之勝亦不是過獨惜無
畸人放士如天隨甫里者作詩張之乃因水窗無事
譜漁家傲十闕以遺榜人

邨舍溟濛煙水裏遠看綠樹多於薺舉網只求先得鯉鱗鬚
細盈筐白雪輕刀鱗 儻許浮家如甫里目前不用商歸計
以斗量魚堪換米炊香起飯簪挂在蜻蛉尾

到處煙波稱釣客鑑湖底事須陳乞好向白漚分片席從今夕盟言寫上青蘆葉 卅載征衫塵土積不如此地尋蓑笠買箇釣船長八尺堪浮楫短柁何必松陵驛

四面清波圍匝匝田家也有宣防法引入谿流如放閘秧針插翻翻龍骨何須蹋 境僻不嫌人襍還開門儘把湖光納一架薔薇萼欲壓餘香啞曲闌多少呼名鼻

氣候清和猶未熱楊粲吹過河純雪新水滿陂魚子活誰還說世閒名士多於鯽 酒戶評量如我窄臘醅何用紅泥坵貰得邨醪三四合紗巾漉也同人面天然白

架箇罾牀危欲墮沙邊尙有餘粲安曲港彎環船振柁篷窗過蒲梢出水長於我 飯罷雕菰無事坐波光綠淨知難唾風味最憐鰕女可微微火水晶人換紅羅裹

已覺前山純浸黛菰蘆又見交生翠我叩兩舷歌小海歌聲脆也防驚起魚龍睡 淺淺船唇低壓水不愁鷁首因風退波底夕陽光瑣碎雙橈快試看搖上金雅背 黯黯重陰雲四布忽然當天將暮急雨灑空如萬弩狂飈助雷公定要黃蛇捕 我恨漏天無石補回頭不見來時路三尺浪高青艸渡蛙聲怒那分答臘都曇部

矴石忽移真可愕誰知送向沙洲泊四野水雲天漠漠舟如屋分明寒士蘆中宿 漫說輕綃圍夜玉篝鐙便算光明燭窗外似栽千个竹聲蕭簌一宵涼夢和煙綠

節近端陽天氣好紅樞屋角都開了邨女插粲臨水照風鬟裊波光搖動釵符小 選箇樹陰纔樣擢篷窗書本兒童笑說與先生渾不曉波神廟聲聲簫鼓風吹到

照眼波光書字細眼前好景吾能記蓮葉田田三百里風吹
遞冷香已沁詩人肺 茶竈筆牀堪料理只無一事忤人意
玉鏡光中成獨倚思量起柁樓少個雙丫髻

減字木蘭萼

曉發清風鎮

安眠一霎車卒趁涼催曉發月乍趨西雞在鄰家樹上呢
兩三人坐當做野航何不可艸露微光認是蒹葭葉上霜
四更三點戍鼓劇於聞漏箭去便恩恩豈有琵琶曲未終
秀支劬秃鈴語居然宮與角忽換商聲又似新翻樂府成
荒沙自白楊葉亂搖聲瑟瑟羊角風旋殺慙真疑飛上天
涼螢幾箇艸際星星如鬼火石臥麒麟照見前朝卿相墳
前途幾里驛路有牌須暗記看不分明月挂松梢黯黯青

夜行不禁古戍烽煙知久靖壁畫弓刀戰壘雖平隻埃高

望江南

主講平泉寓齋岑寂因念故鄉風景綴爲小詞以遣

長夏

吾鄉好寄暢好園林萬箇幽篁驚石畔千章喬木畫樓陰流
水女環琴

吾鄉好故里記春申三面碧山詩老社一行錦樹麗人墳艸
色綠羅裙

吾鄉好帆影落尊前曲水抱城羅帶緩浮圖隔樹筆鋒尖詩
思坐來添

吾鄉好忙殺冶游人陌上雕鞍嘶驥裏山頭高冢臥麒麟
柳一般春

吾鄉最好小兒郎市上看鐙紅菡萏街頭騎馬翠篔簹
下捉迷藏

吾鄉好不減若邪谿鹿眼籬邊茅屋矮餅桃粿外畫橋低
微雨鷓鴣嘯

吾鄉好到處足清幽藤笈負書山寺讀木瓢貯酒水居游
黃葉滿林秋

吾鄉好古殿翠微閒柳栗擔經僧出寺團蒲拜佛客朝山
清梵隔禪關

吾鄉好真觀夜香焚竹殿然鐙祠斗姥松壇設醮禮茅君
鸞尾埽秋雲

吾鄉好庭院露華香芳艸似逢今屈宋名粿如對古姬姜
鄰樹綠窺牆

吾鄉好徙倚小房櫳煙樹樓頭暝鳥露粿闌角聽秋蟲
開到雁來紅

吾鄉好結箇海棠巢蠡殼窗兒明似練鰕鬚簾子薄於綃
閒畫雪中蕉

吾鄉好几席點塵無裊裊杭州班竹扇案頭陽羨白沙壺
宋版舊藏書

吾鄉好平地玉爲沙雪水半餅煎茗艸寒雲滿研賦梅粿
不趁酒人家

風入松

題潘紱庭公子睡香粿室填詞圖

忽風忽雨最無端春事又闌珊世閒更有傷春客比春蠶
自把絲纏春水關卿何事爲伊招徧闌干 鏤冰琢月費雕
剞

嘔出好心肝蠹魚走上銀藤紙笑粵邊胡蝶成團鏡影照誰
無睡香衾昨夜春寒

百字令

題林東谿少府醉紅山館圖

西風幾日把家山吹澹數峰晴翠兩版斜扉疏樹裏茅屋新
添白葢紫菜調羹紅蚶佐酒記傷楓人醉功名雞肋不知情
味安在似我三徑全荒頭銜如昨鬢髮蒼然改著破青衫
霜葉冷更漬一分秋淚地接龍亢江鄰牛渚便算投金瀨鱸
鄉入夢扁舟何日同載

夏初臨

題趙梅塘田園樂意圖

碧玉谿流綠楊城郭舊游回首都非桑柘陰濃故園風景依

依青鞵布韞閒時候叩枝到處堪攜秧鉞繡徧水田漠漠一
片僧衣江天極目紛紛倦羽都解南飛莎弓射鬪柳鞭叱
犢偏我心迹相違好年光已近斜暉莫遲回鑑湖乞得單舸
先歸時梅塘將
歸山陰

沁園春

題莊眉叔茂才獨立圖照用自題原韻

塵海茫茫溷迹其閒云胡不哀恁忽風忽雨愁眉易鎖傷春
傷別笑口難開北里笙竽東門鐘鼓百感都從肺腑來除非
向荒山跨虎逞爾狂才重尋皖伯高臺似枳棘叢中見古
梅歎蟻封寸土詎堪旋馬麟洲小水僅足容杯氣熱呵雲酒
酣喝月倒後洪流要挽回揚帆去語江頭漚鷺莫便驚猜

鳳皇臺上憶吹簫

如皋冒辟疆以勝國之逸民作騷壇之宗主跌宕文
酒消搖林壑歌僮則楊枝紫雲侍姬則曉珠小宛吹
粵嚼蕊吮墨調鉛播在藝林傳諸畫苑久矣曹玉水
司馬於皖江購得一卷有樓臺粵木之勝末題水繪
園女史蔡含寫意卽辟疆水繪園圖高閣倚煙平臺
貯月鉤心鬪角錯采鏤金因樹爲屋知稱樸巢疊石
成山儼見鶴峙餘若所謂小三吾湘中閣者亦皆歷
歷見焉按 國朝畫徵錄蔡字女羅蘇州吳縣人爲
辟疆側室善畫山水人物尤長於臨摹以知光連參
鼻無有差池巧鬪尹邢不分軒輊蔡亦金董之亞匹
也第蔡爲吳人司馬亦家於吳獨購得之豈人能擇
主畫亦通靈珠玉不患闇投緹錦必爲什襲遇之固

有緣得之亦有數耶司馬他日言旋珂里早解蘭纓
烏嘯短簿之祠粵落眞孃之墓持此以誇示吳儂以
見羅綺中大人允足爲湖山生色也爰識數語并
系以詞

射雉荒皋嘯鷓故國搏沙客散多年料粵枝酒殘一例都捐
安得樓臺金粉夕陽影猶挂秋千還重認名流修禊舊日林
泉 堪憐十眉失翠便雙成女伴均已游仙恁樸巢鶴峙亭
榭依然賴有深閨弱腕鋪繭紙渲染精妍知不數好嬉倒印
映竹窗前

臨江仙

上巳禊憶

憶昔故園過上巳鬢齡未解相思桃粵掩冉過牆枝十三嬌

女戲覆額有青絲 盼到斜陽纔下學頗嫌春日遲遲一編
風雅誦毛詩不知漆與洧記取采蘭時

憶昔故鄉過上巳 蓉湖春水初生水邊多少好園亭垂楊纔
作綫淺綠已巢鷺 白恰少年三五輩只無雙髻吹笙研螺
試仿麗人行畫闌紅一角堪愛夕陽明

憶昔金陵過上巳 白門柳色依依笑他王謝舊烏衣向人茅
屋上來往引雛飛 拂拭窗塵安筆研書聲每度雙扉一枝
紅瘦雨添肥餅桃初吐萼相對便忘飢

憶昔杭州過上巳 三年人住西冷自唾繭紙寫蘭亭波光衣
上綠山色酒中青 舞影歌聲都散去六橋煙柳冥冥扁舟
歸去繞南屏一彎眉樣月隔樹影瓏玲

憶昔揚州過上巳 有誰修禊紅橋鬢絲禪榻太無聊二分

月底閒品廣陵簫 芳艸渡江隨意綠橫斜不似幫膏淚痕
彈上美人蕉碧紗窗裏聽錯認雨瀟瀟

憶昔巴江過上巳 春郊蠻榼同攜前甯人隔浣琴谿臨流思
躍馬愁澆錦障泥 縱使枇杷門巷改薛壽箋小堪題漫天
風絮太淒迷陰陰深樹裏不住子規啼

百字令

題蔡小石太史官閣詠寒圖

濠梁當日記輕陰釀雪初交三九炙研松寮堪自暝十指何
妨出裏乍展苔牋又拈筠管寫斂薑芽手吟朋三兩尖叉相
約同鬪 我今身做麤官鐙前琢句依舊山肩瘦怎似玉堂
清夢好入夜冷香吹逗百本梅粵二分明月不羨揚州守銷
寒乞假他年韵事還又

買陂塘

題唐湘帆茂才松陵譜曲圖照

溯流光扁舟笠澤谿山不數林屋青螺合向銀盤貯難得箇
人如玉蟬鬢薄有嵐翠飛來添染秋蛾綠龍吟試學笑慣唱
瀟瀟吳娘暮雨篷底聽嘗熟 圖中認上有石梁懸瀑豈非
窈窕空谷倩誰喚起天邊月照我船頭吹竹松謾謾恐響邊
行雲驚醒雙棲鶴盟漚卅六待網得西施煙波一櫂相訪鑑
湖曲

齊天樂

咏團扇和錢小南上舍

前身明月成圓相依然一輪光滿簾影如塵簾紋似水未要
荷琴指汗煙鬟半顫問撲得流螢幾番嬌喘倚立梧桐夜深

恐有露華染 長門自多淒怨篋中非棄置節序偷換宛轉
當曾低徊障面等是北風雲漢日長人倦便寫首迴文泥他
書款澹墨敲斜不隨秋雁斷

荷葉杯

閨意

昔日寶釵樓上相傍同把好山看一雙羅衷倚闌干細雨不
知寒 今夜水沈金獸薰透翠被繡鴛鴦無如迷迭與都梁
總是惱人香

浣谿紗

題小石太史乞巧圖

澹澹衣裳薄薄羅一年風景又秋河枉將心事託雲波 天
上樓臺殊縹緲人間歲月易蹉跎南飛烏鵲奈伊何

賀新涼

讀眉叔迎齡詞題贈

試問春深淺好年光逝如流水還如流電蛺蝶飛來尋舊夢
惆悵綠陰一片且莫論肥環瘦燕聞道明妃猶未嫁繡羅衣
又壓誰家綫宜早副六宮選 新詞合付紅牙點那教他藥
鑪經卷等閒消遣擬託微波通密意無奈深深庭院要畫向
生綃團扇好令江城諸士女向風前爭識佳人面將韵事盛
傳徧

和作

莊縉度 眉叔

九陌黃塵淺向長安車如流水馬如飛電昨日斜陽今日
雨做盡淚絲鸞片恐誤了鬱金雙燕如此樓臺春世界悵
紅襟只繫佳人綫尋舊夢畫梁選 幽篁掩露珠千點伴

深閨一雙翠裏暗愁難遣試問天邊眉樣月去照誰家庭
院且莫咏秋風團扇製就齊紈光皎潔便攜來障得凝酥
面研妙墨好題徧

高陽臺

咏同心蘭和小石太史韵

淺碧簾櫳冷紅池閣涼粲次第吹開迢遞湘川國香底事能
來天涯舊雨兼新雨屐痕溪印破苔階細尋思人似幽雫
似幽懷 夕陽無限王孫艸任同根竝帶暝翠相偎兩小無
嫌遶牀記弄青梅一般綺障銷除盡抱芳心好比珠胎試拈
看不傍蓬壺卽傍蓮臺

百字令

小石太史既敘余詞復賦此調於後獎借逾分媿不

克當因用原韵富謝

漫空飛絮將韶華艸艸暗中吹度淺笑深顰都不是別有傷
心無數湘水招魂楚雲贈夢冷落題紅句口銜石闕幽懷脈
脈難訴 鎮擬射虎藍田鞭鯨碧海披髮翩然去不信人間
窮賈島也有黃金能鑄月貌嬋娟風鬟婀娜寫學邯鄲步直
因曲誤反邀青眼相顧

擊梧桐

宋于庭大令賦延秋詞小石和之余亦繼作

日影纔過午人正倦何計銷他殘暑七尺疏簾卷蔭檐隙只
有桐垂細乳蘭芽短短竹枝嫋嫋漫道綠天可補最怪纖雲
起化碧煙散去幾曾飛雨 芳艸隄邊夕陽樓角那省來從
何處卻到人心上別恨外另釀一番情緒我獨為誰延伫斷

垣苔縫聽亂蛩絮語似東牆悲秋宋玉無限淒楚

洞庭春色

姚邗生府倅以雲水光中洗眼來詩意作圖蓋佛家
上乘禪也余以鈍根人下一轉語聊相印證未知於
意云何

可怪天公生人兩眼多帶模黏便爛如巖電未離色障朗如
秋月莫辨元珠袖底淋漓翻墨汁慣寫作江天欲雨圖圖成
後看煙雲明滅疑有疑無 此番見君畫卷覺精神澡雪勝
坐冰壺念水晶眼夢都非實在琉璃世界本屬空虛但願雙
眸常炯炯好讀徧牛毛細字書從今日任心游目想邃古之
初

貂裘換酒

題蔡友石廉訪北峽關晴雪圖

曉日團雲罅望遙天晴光解駁冷光激射平地玉沙溪一丈
峽勢尤爭險隘有幾處荒涼驛舍徹夜西風重整過水晶釘
覆上琉璃瓦梅與竹秀而野肩輿穩比雕鞦跨更何論灞
橋策蹇滹沱躍馬紅粉油衫黃袴褶騎從也都閒雅只豔煞
桃粵撥叱僂倖何人前負弩繡弓衣寫入生綃畫知不要望
塵拜

臺城路

題友石廉訪喜雨酣春圖

買來不費中人賦名琴記會親植繡幕低垂闌干淺護認取
數叢深色春風巷陌歎舊事揚州而今休說禪榻茶煙有誰
頂禮藥師佛將離莫教折贈看杯斟婪尾大好畱客翻砌

紅媽隔簾香潤一片輕陰如墨天然麗質使金帶圍圓未爲
雕飾聽雨聲酣解頤同繭麥

